







17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42

5140
564.5
-5









金石錄卷第十七

跋尾七 漢

漢梁相費沘碑



右漢梁相費沘碑在湖州其額曰漢故梁相費君之
碑碑云梁相諱沘字仲慮此邦之人也其先季文為
魯大夫有功封費因以為姓秦項兵起避地于此遂
留家焉子家所收姓氏文字粗備以諸書參攷頗多牴
牾不合姓苑云費氏禹後漢有長房蜀志有丞相
禕又云今瑯琊亦有此姓音以位反李利涉編古命
氏云費氏出自魯桓公少子季友有勳於社稷賜汶
陽之田封邑於費子孫氏焉漢有費將軍其後有費
忠費柔柔適蜀為寧蜀人忠之孫徙於荊州徙遷江

夏忠十一代孫奕奕孫禕又家于蜀晉平蜀禕之子承復歸江夏材實元和姓纂云費氏亦音秘史記紂幸臣費中夏禹之後楚有無極漢有直蜀有禕晉有詩又云瑯琊費氏直之後也陳湘姓材云費氏音蜚夏禹之後余嘗考之此字有兩姓音讀不同源流亦異其一音蜚嬴姓出於伯翳史記所載費昌費中費無極漢費將軍費直費長房蜀費禕之後是其後也其一音秘姬姓出于魯季友姓苑所載瑯琊費氏而此碑所謂梁相費君是其後也然則姓苑姓纂姓材皆云夏禹之後姓纂又云亦音秘及謂瑯琊費氏為直之後皆其差誤而編古命氏以費將軍費禕之後出于魯季文亦非也余又按春秋僖公賜季友汶陽之田及費而左傳亦以為季友有功于魯受費以為上鄉今以為季文有功封費者蓋碑之誤

漢堂邑令費君碑

右漢堂邑令費君碑云惟熹平六年無射之月堂邑令費君寢疾卒嗚呼哀哉于是夫人元弟卜胤追而誄之其後有銘詩碑所述費君事不甚詳悉而其名字世次官秩具載于碑陰今附于後

漢費君碑陰

右漢費君碑陰云君諱鳳字伯蕭梁相之元子九江太守之長兄也世德襲爵銀鈔相亞又云君踐郡右

職三貢獻計漢安二年吳郡太守東海鄭君以君有
婁蛇之節自公之搢年三十一舉孝廉拜郎中除陳
國新平長遂宰堂邑其後為五字韻語詞頗古雅而
時時殘缺不可次序其前題君舅家中孫甘陵石勳
字子才所述云

漢太尉陳球碑

右漢太尉陳球碑有碑皆在下邳其一已殘缺
此碑差完可攷前代碑碣與史傳多牴牾而球碑所
載官閤事蹟與傳合東漢之末政在閤寺威福下移
其勢蓋可畏也而一時衆君子猶奮不顧身力排其
姦雖遭屠戮而不悔志雖不就然亦可謂壯哉如球
是已使當時士大夫能屈已以事之則富貴可長保
矣然君子固未嘗以彼而易此也

漢華嶽碑

右漢華嶽碑集古錄云碑以周禮職方氏為識方氏
者疑當時周禮之學自如此蓋識誌其義通也余按
袁逢華嶽碑亦引職方氏乃用識字蓋漢人簡質字
相近者輒假借之初無意義爾

漢太尉鄭禧碑

右漢太尉鄭禧碑文字殘缺所存才百許字其可見
者公諱禧字君居而已鄭禧鄭躬然孫也其事跡附見
躬列傳云少明習家業兼好儒學有名譽延禧中為

廷尉建寧二年代劉寵為太尉而靈帝紀亦云是年十一月禮為太尉章懷太子注云字公房扶溝人也郭氏世為陽翟人自躬以下皆葬陽翟其墓尚存今此碑缺處猶有陳留扶溝字疑禧嘗寓居是邑其卒也返葬故鄉而漢書注遂以為扶溝人恐誤

漢郭禧碑陰

右漢郭禧碑陰其首有四大字云故吏人名其下列故吏密張立德成匡師張協子道維陽李蒼子考故民河南陰德紀信以下凡百餘人又有右河南右河內郡右弘農郡右扶風字字畫完好者甚多筆法淳古可愛

右漢禹廟碑云光武二年十二月丙子朔十九日甲午皮氏長南陵章陵劉尋孝嗣丞安定烏氏樊璋元孫其後序禹平水土之功而最後有銘文多殘缺不能盡識碑在龍門禹廟

漢冀州從事郭君碑

右漢郭公碑名字已殘缺其額題曰冀州從事郭君碑碑云其先出自高辛與自于周

缺一字

蕃虞郭在河

魏之間遭晉荒疆乃喪厥土奕世孳孳職思其勳子

孫纓布家于樂土因國為民又云歷郡諸曹掾史主

簿督郵五官掾功曹又云光武二年終三年十月葬

又云哀哀考妣追惟賈靈卜商號眺喪子失明據此

乃父母生而稱考妣也爾雅云父為考母為妣郭璞注引禮記生曰父母妻死曰考妣嬪今世學者從之而璞援據諸書以為非生死之異稱猶今謂兄為舅妹為媢爾今此碑漢人所為已不用戴氏之說以此知璞為有據然禮經行世既久事親者所當避也

漢遼童碑陰

右漢遼童碑陰題云右家門生右縣中士大夫凡十三人有督郵逕敏賓逕石升司文故盛姓字按逕與司文姓氏書皆不載今誌于此

漢三公碑

右漢三公碑歐陽公集古錄有北嶽碑云文字殘缺尤甚其可見者曰光和四年以此知為漢碑爾其文多言珪幣牲品酒黍稷豐穰等事其後文姓名偏可見云南陽冠軍馮延字季祖甘陵夏方字伯陽余嘗託人于北嶽訪求前代石刻幾盡獨無漢碑今此碑所書及二人姓名與集古錄所載皆同又光和四年立惟其額題曰三公之碑而集古錄以為北岳碑豈歐陽公未嘗見其額乎三公者山名其事亦載于白石神君與無極山碑三山皆在真定元氏云

漢殺阮君神祠碑

右漢殺阮君神祠碑歐陽公集古錄云殺阮君祠今謂之五部神廟其像有石限西戎樹谷五樓先生東

臺御史王翦將軍莫曉其義今此碑有云石隈樹谷
南道商維又云前母通利吏民與貴有御史大夫將
軍牧伯故為立祠以報其功乃知石隈樹谷御史將
軍之號自漢以來有之流俗相傳其所從來遠矣而
水經鄭縣城南山北有部五神廟廟前有碑光和四年
鄭縣令河東裴畢字君先立又知五部神自齊魏
間已有此號矣裴君水經以為名畢而集古錄云名
曄今詳其點畫頗近畢字疑集古錄誤

漢穀阮君神祠碑陰

右漢穀阮君神祠碑陰縣吏及鄉人題名其完好可
識者二百餘人磨滅者又百餘人小字淳勁可喜歐
陽公集古錄所未嘗有也

漢無極山碑

右漢無極山碑按顏之推家訓曰詩云有渰萋萋興
雨祈祈毛傳曰渰陰雲貌萋萋行雲兒祈祈徐也箋
云古者陰陽和風雨時其來祈祈然不暴疾也按渰
已是陰雲何勞復云興雲祈祈邪雲當為雨俗寫誤
爾班固靈臺詩云習習祥風祈祈甘雨此其証也據
此本雲字之推改為雨耳而陸德明經典釋文亦云
本作興雲非也蓋德明據顏氏說改之故後來本皆
作雨今此碑銘文有曰興雲祈祈雨我公田遂及我
私乃知漢以前本皆作興雲顏氏說初無所據特私

意耳

漢揚州刺史敬使君碑

右漢敬使君碑在河南平陽其額題云漢揚州刺史敬君之銘碑已殘缺其名字皆止略可辨者嘗辟司隸從事又為治書御史最後云年五十三光和四年閏月遭疾而卒其他不復可攷按姓苑載風俗通有敬歆漢末為揚州刺史元和姓纂亦云歆平陽人而後周書敬珍傳唐書宰相世系表歆皆作韶余後得後魏敬曦造像碑亦作韶乃知姓苑姓纂之謬又集古錄此碑凡載出其一題敬仲碑云名字已磨滅獨首有敬仲字敬寓其名耳其人姓田也其一題無名字代平北海人漢三公名之云朗北海高密人余嘗觀漢時碑碣載其家世皆止書官爵蓋為子孫作銘不欲名其祖父耳此最為得體然非當代顯人則莫知其為何人也又按姓苑姓纂諸書皆云孫氏周文子衛康叔之後衛武公子耳為衛上卿因氏焉今此碑乃云出於商比干之後蓋古人或因賜姓命氏或以官或以謚或以封或以居或以王父字為氏故姓氏雖同而源流或異書傳缺漏不載者多矣

漢涼州刺史魏君碑

右漢涼州刺史魏君碑文字殘缺族系名字皆不可攷其粗可見者察孝廉除郎中尚書侍郎右丞卒於

光和四年而其額題涼州刺史魏君碑云

漢碣孔君神祠碑

右漢碣孔君神祠碑其前題漢故行梁相事碣孔君之神祠文詞字畫皆古怪而不工又時有難曉處然刻畫甚完孔君名耽字伯本

金石錄卷第十七

金石錄卷第十八

漢成陽令唐君頌

右漢成陽令唐君頌云君諱扶字正南字畫尚完而歐陽公集古錄乃云其名殘缺何哉碑額題漢故成陽令唐君頌在今濮州雷澤縣古成陽也

漢唐君碑陰

右漢唐君碑陰載出錢造碑人有故從事故督郵故吏處士門生門童等姓名按唐君碑云處士閻葵班等刻石樹頌而碑陰又有故吏閻葵已處士閻葵類葵姓不見於前史而姓苑姓纂之亦皆不載蓋前代氏族或因改易或浸微不顯遂泯沒而無傳者

甚衆今世所有姓氏書類多簡略不完惟時時見於石刻者余每記之以裨姓氏書之缺云

漢白石神君碑

右漢白石神君碑其略云白石神君者居九三之數參三條之一兼將軍之號秉斧鉞之威體連封龍氣通北岳幽贊天地長育萬物觸石而起膚寸而合不終朝日而澍雨沾洽自前後國縣屢有祈請指日刻期應時有驗猶自挹損不求禮秩縣畛有六名山三公封龍靈山得法食去光和四年三公守民蓋高等始為無極山詣大常求法食相縣以白石神君道德灼然乃具載本末止尚書求依無極即蒙聽許于是即開托舊兆改立殿堂其餘首尾尚皆完好可讀文多不備載其曰居九三之數參三條之一莫曉為何語也

漢幽州刺史朱龜碑

右漢幽州刺史朱龜碑在今亳州鄴道元注水經云渦水東逕朱龜墓北東南流冢南枕道有碑題云漢故幽州刺史朱君之碑龜字伯齡光和六年卒官今以碑攷之與道元所載皆合歐陽公集古錄云龜之事蹟不見史傳獨見於此碑爾予按後漢書西南夷傳熹平五年諸夷反叛執蜀郡太守雍涉遣御史朱龜討之不能克太尉掾李顯建策討伐乃以贖為益州

太守發板楯蠻擊破平之常據華陽國志亦載其事
與史同惟史與華陽國志皆言龜不能克而碑云蠻
束授首乞降二說不同疑碑所書非實錄也

漢朱龜碑陰

右漢朱龜碑陰文字殘缺初予讀酈道元注水經云
朱龜碑陰故吏名姓多上谷代郡人知此碑有陰因
託人就毫拓摹得之附于碑後

漢都鄉正街彈碑

右漢都鄉正街彈碑在汝州界故昆陽城中文字殘
缺不可考究其歲月略可見蓋中平二年正月而其
題額都鄉正街彈碑莫知其為何碑也

理而言秩 名鄉里特完可攷故詳著之

漢馮使君墓闕銘

右漢馮使君墓闕銘云故尚書侍郎河南京令豫州
刺史馮使君神道按後漢書馮緄傳緄父煥安帝時
為幽州刺史而緄碑云幽州君之元子此字在石
渠緄墓前雙石闕上知其為煥也

漢高陽令楊君碑陰

右漢高陽令楊君碑陰歐陽公集古錄云余家集錄
得楊震墓碑域中漢碑四震及沛相繁陽高陽令碑
并得碑陰題名然得時亦錯不知為碑之陰也集古
所有余盡得之又各以碑陰附于碑後其曰懷陵園

令蔣禧字武仲者沛相碑陰人也其曰故吏故民故
功曹史故門下佐者繁陽令碑陰也其曰右後公門
生右沛君生者高陽令碑陰也

漢浚儀令衡立碑

右漢浚儀令衡立碑云君諱立字元節其先出自伊
尹而其銘曰於穆從事歐陽公集古錄號為元節碑
且云疑其姓伊而為從事也今碑首尚完題後儀令
衡君之碑蓋漢時石刻其官爵姓氏既載于額則其
下不復更著焉文已殘缺又不見其額則遂難考究
矣立與衡尉鄉衡方墓皆在今鄆州中都方碑亦云
其先伊尹號稱阿衡因以氏焉

漢光祿勳劉曜碑

右漢光祿勳劉曜碑集古錄云君諱曜字季尼年七
十三其餘爵里官閥卒葬歲月皆不可見今此碑雖
殘缺然而尚有可攷處蓋孝文之裔又嘗為大官令
郎中居延都尉太宗匠衛尉遂為光祿勳至於卒葬
年月則斷續不可考矣

漢張侯殘碑

右漢張侯殘碑張侯者子房也碑已斷裂磨滅不可
次叙獨其額尚完題漢故張侯之碑在今彭城古留
城子房廟驗其字畫蓋東漢時所立樂史寰宇記陳
留縣有張良墓引城冢記云張良封陳留侯食邑

山黃一萬戶漢為良築城因名張良城今陳留有子
房廟貌甚盛今按西漢書地理志注留屬陳故稱陳
留宋亦有留彭城留是也子房傳曰始臣起下邳與
上會留願封留足矣下邳與彭城相近而此碑漢人
所立乃在彭城然則子房所封非陳留明矣城家記
誕妄蓋不足信也

漢荊州從事苑鎮碑

右漢苑鎮碑其略云漢故荊州從事苑君諱鎮字仲
弓南陽人也其先出自苑柏何為晉樂正世掌朝之
制又云有苑子園實能掌陰陽之理君即其胄也按
姓氏書皆云苑氏出于左傳所載齊大夫苑何忌之
後今此碑所謂苑柏何與子園左傳國語皆無其人
故錄之以待知者

漢趙相雖府君碑

右漢趙相雖府君碑其前歷叙家世官爵而所述雖
君事甚略云趙國相名勸孝廉或臯令趙相國又云
在官五載蒞政清平有甘棠之化年四十五卒于官
故吏民漢中太守邯鄲某等其名慕戀思德刊石稱
頌焉又有闕銘題漢故趙相國雖府君之闕云


漢遼府君墓石柱篆文


右漢遼府君墓石柱篆文云漢故博士趙傳遼府君
神道唐李利涉編古命氏北海遼氏有名絲字子繡

者為漢趙王傳其孫萌不仕王莽蓋前漢時人今遼
君北海人又為趙傳疑其是也而濰州圖經北海縣
有遼沁墓云沁好學以德義聞徵為博士趙王傳卒
門人執衰經者數百葬于寒亭南四里今此篆文既
不載其名皆莫可攷然圖經所載遼君事首尾甚詳
不知何以知其名沁必別有所據又疑絲與沁兩人
前後皆嘗為趙王傳未可知也故并載之以俟知者

漢永樂少府費君闕銘

右漢永樂少府費君闕銘按漢書桓帝母孝崇區皇
后居永樂宮和平元年詔置太僕少府如長樂故事
其後靈帝母孝仁董皇后亦居是宮歐陽公集古錄
引章懷太子注曰漢官儀長樂少府以官者為之則
費君蓋亦官者也余以漢史及石刻攷之嘗時三公
如陳球劉寬皆嘗為此官非獨一人蓋自西漢以來
太后皇后官屬如大長秋之類皆參用士人然則漢
官儀以為止用官者為之蓋有關漏而集古錄遂以
費君為官者亦未必然也





金石錄卷第十九

漢酸棗令劉熊碑

右漢酸棗令劉熊碑在今酸棗縣云君諱熊字孟

一下缺按鄴道元注水經酸棗城內有漢縣令劉孟陽

碑今據碑熊實為此縣令然則所缺一字當從水經

為陽也碑又云君光武皇帝之玄孫廣陵王之孫俞

鄉侯之季子也按後漢書光武子廣陵思王荆以譴

死顯宗封其子元壽為廣陵侯又封元壽弟三人皆

為鄉侯而李利涉編古命氏唐書宰相世系表皆云

荆生俞鄉元侯平平生彪襲封今據熊當為彪之弟

然則于光武乃其曾孫而曰玄孫者疑碑誤

漢臨朐長仲君碑

右漢臨朐長仲君碑文字磨滅其粗可見者云君諱
雄又云歷郡五官掾功曹史辟從事舉孝廉除郎中
遷臨朐長而其題額故臨朐長仲君碑云

漢蜀郡太守任君神道

右漢蜀郡太守任君神道九字字畫壯偉不著名字
鄉里歲月莫詳其為何人也

漢蜀郡屬國都尉王君神道

右漢王君神道在南陽云漢故蜀郡屬國都尉王君
神道封陌按鄴道元注水經洛水南道側有二石樓
制作精妙題言蜀郡太守姓王字子雅南陽西鄂人
秋皆為宦者職然則魏制蓋亦參用士人矣

游君碑陰

右游君碑陰按王莽嘗下令禁二名故當時士人皆
以一字為名東漢時尚爾今此碑陰所記凡二百五
十三人亦無一人二名者碑晉咸寧中建距莽時二
百年矣而士大夫猶遵莽之令不變何哉

吳禪國山碑

右吳禪國山碑其前叙孫皓即位以後郡國祥瑞凡
十餘言其後云乃以浹灘之歲欽若昊天月正華元
郊天祭地紀號天璽又云丞相沈大尉璆大司徒變
大司空朝等以為今眾瑞畢至三表約首九垓八埏

莫不被澤率按典繇宜先行禪禮紀勒天命遂于吳興國山之陰告祭刊石以對揚乾命廣報坤德按皓以丙申歲改元天璽碑言浣灘之歲是也皓淫虐無道人神憤疾而羣臣乃稱述符瑞讚頌功德蓋刻石後四年遂為晉所俘矣

吳天璽元年斷碑

右吳天璽元年斷碑其前云上天帝言又云帝曰大吳一萬方又云天發神讖文天璽元年七月己酉朔又云天讖廣多不解解者十二字嗚呼其言可謂妖矣據吳志天璽元年秋八月鄱陽言歷陽山石裡成字凡二十明年改元大赦以協石文今此碑乃在金陵驗其文與吳志所載亦異莫可攷究孫皓在位凡八改元而六以符瑞然竟不能保其國蓋人事不修而假托神怪以矯誣天命其不終宜矣

晉右軍將軍鄭烈碑

右晉鄭烈碑云君諱烈字休材又云曾祖先生皇祖徵君顯考將作大匠實有茂德載在國策烈晉史無傳以碑攷之嘗為文帝參佐武帝時仕為兗州刺史封東莞男以疾徵拜議郎卒於太康二年追贈右軍將軍謚曰僖侯云

晉太公碑

右晉太公碑其略云太公望者此縣人也大晉受命四

海統一太康二年縣之西偏有盜發冢而得竹策之
書書藏之年當秦坑儒之前八十六歲今以晉書武
帝紀攷之云咸寧五年汲郡人不準掘魏襄王家得
竹簡小篆古書十餘萬言藏於秘與此碑年月不
同碑當時所立又荀勗枚穆天子傳其叙云太康
二年與碑合可以正晉史之誤其曰小篆書亦誤也
且其書既在秦坑儒八十六歲之前是時安得有小
篆乎碑又云其周志曰文王夢天帝服玄襪襪字字
書所無
以立于合旅之津帝曰昌賜汝望文王再拜稽首太
公於後亦再拜稽首文王夢之之夜太公望之亦然
其後文王見太公而計之曰而名為望谷曰唯為望

文王曰吾如有所見于汝太公言其年月與其日且
盡道其言臣此以得見也文王曰有之有之遂與之
歸以為卿士而史記太公世家曰西伯將出獵卜之
云云於是西伯獵果遇太公于渭之陽與語大悅曰
自吾太公望子久矣故號之曰太公望載與俱歸二
說殊不合而王逸注楚詞亦載文王夢太公事與碑
所書略同方逸為注時此書未出逸必別有所據碑
又云其紀年曰康王七年齊太公望卒參攷年數蓋
壽一百一十餘歲而史記亦不載按前世所傳汲冢
諸書獨有紀年穆天子傳師春等不載所謂周志者
不知為何書而杜預左氏傳後叙云汲冢書凡七十

五卷皆藏秘府預親見之以此知不特十餘萬言史之所記蓋不能盡其亡逸見於今者絕少也太公碑汲縣令廬無忌立後題太康十年三月云

晉雲南太守碑

右晉雲南太守碑文字殘缺其姓氏名字鄉里皆不可考畧可見者嘗為尚書令史察廉除郎中遷武陽令後龍驤將軍王濬征討遷雲南太守年五十有七卒最後題太熙元年正月上旬造太熙武帝年號

晉護羌校尉彭祈碑

右晉彭祈碑云君諱祈字子玄隴西襄武人也其先出自額頊有陸終之裔子大彭實生夏盟則其後也


又云歷郡右職州別駕從事于時庸蜀未珍侵擾王路洮西之戰因敗運奇元帥獲安尅壓強虜列上功狀除舍人還參本軍事除涼州護軍河右未清戎寇鼎沸謀謨神略簡在帝心遷西郡太守至官未久復臨酒泉遠夷望風櫛負歸命白山丁令率服賓貢敦煌令狄豐距違王度淵泉之陳兵刃血刃毋老弟亡辭職去官聖上仁慈聽君所求轉略陽太守近家祿養遂罹大艱侍喪還家服訖終始有詔以軍州始分河右未清豺狼肆虐授君節蓋除護羌校尉通攝涼上前後軍功應封七勞謙退讓陰德不伐年未知命以太康十年三月癸酉薨天子愍悼遣使者監護喪

事榮曰君秉心公亮所任有方不幸殞歿朕甚痛惜
故孝廉參護羌軍事酒泉馬朔故吏部郎中墓母番
主簿鄢曉良吏夏侯俊等追思供烈感想哀嗟乃刊
石勒銘焉西晉石刻見于今者絕少又多殘缺此碑
文字完好可喜乃錄其終始事跡于此

晉彭祈碑陰

右彭祈碑陰題名者凡三百十二人有故孝廉計掾
計史良吏庶吏計位主簿領校錄事中部督郵西部
督郵軍議從事和戎從事記室督郵軍謀從事錄史
戶曹史賊曹史金曹史倉曹史鎡曹史田曹史兵曹
史客曹史記室史節史車曹史水部都督中部都督

功曹典事武猛從事舍人蜀渠都水行事中部勸農
西部勸農東都水蜀渠平水門下賊曹門下議生錄
事金曹掾兵曹掾作部史法曹史叅戰騎督步督散
督門下書佐石馬從事監收史戰史金曹典事武猛
史門下通事門下小史凡一官多者十人少者不減
數人其餘稱故吏無官號者百六十餘人當時州郡
官屬其濫如是蓋自漢以來太守皆得自署置僚佐
彭君為邊郡守故其所辟尤衆今盡錄其名號



金石錄卷第二十

晉光祿勳白凱碑

右晉白凱碑云君諱凱字士伯河內山陽人也其後
歷叙官閥甚詳其最顯者嘗為中書侍郎尚書吏部
郎給事黃門侍郎賜爵關中侯廣平太守散騎常侍
游擊將軍北中郎軍司兖州刺史中郎將後云累遷
河南尹春秋六十有八光祿九年四月甲子薨追贈
光祿勳據此乃當世顯人而晉史無傳故其事莫得
而考蓋君子所賴以傳者非爵位也顧所立何如
耳自古老死立壙而名稱顯著者甚衆雖在高位而
而功烈不見於當時聲迹無聞於後世者亦可勝數哉

晉鴻臚成公重墓刻

右晉成公重墓刻云永寧二年四月辛巳朔十五日
乙未守鴻臚關中侯成公重魏夫人之靈柩前女以
永寧紀年者三漢安帝晉惠帝偽趙石祗按三國志
建安三十年曹操始置關中侯十七級安帝時猶未
有此號而石祗永寧無二年然則重蓋惠帝時人也
晉史有成公簡成公綏皆東郡白馬人

偽漢司徒劉雄碑

公右部魏成獻王之碑碑云公諱雄字元英高皇帝
之曾孝宣帝玄孫值王莽篡竊遠遁邊朔為外國所
推遂號單于累葉相承家雲中因以為桑梓焉雄劉

元海弟也晉書載紀元海大匈奴人冒頓之後漢高
祖以宗女妻冒頓約為兄弟故其子孫遂冒姓劉氏
今此碑直云出自宣帝豈元海初起假此以惑衆乎
碑後題嘉平五年歲在乙亥二月六日建按宋書公
紀年通譜劉聰以晉懷帝永嘉四年即偽位改元光
興明年改元嘉平嘉平四年改元則嘉平宣復更有
五年蓋載紀初不編年故于改元歲月難置此碑當
時所立不應差謬乃通譜誤也

鄧少碑

與下兩碑皆西晉時立

右鄧少碑其額題魏使持節征西將軍方城侯鄧公
之碑碑無建之年月以詞政之蓋晉初立按魏晉史

其名皆為少而碑作義古少義通為後義艾義義安
之字疑少名其音如此而今人讀如蕭少之字恐非
是又按少平圖即軍中拜太尉而碑但題為征西將
軍者疑尋被禍未嘗受命而少始封方城侯後改封
鄧侯碑尚云方城侯何哉

金鄉長薛君頌

右薛君頌在今濟州金鄉縣其額題故金鄉長汝南
薛君之頌云君諱詣字公謀其他文字皆完好驗其
詞蓋縣長德西頌爾雖無建立年月而有吳寇未
一字耀威海隅之語知其為晉碑也

張平子碑

右張平子碑晉南陽相夏侯湛撰識緯之說興于西
漢之末而爛熳于東漢之世雖一時名儒皆從而惑
焉獨平子奮然闢之甚力余嘗嘆以為如平子可謂
豪傑之士不為流俗所移者今湛為此碑乃云金匱
正版之奧識契圖緯之文罔不該羅其情可謂不知
平子矣

趙浮圖澄造釋伽像碑

右趙浮圖澄造釋伽像碑唐封演聞見記云內丘縣
西古中丘城寺有碑後趙石勒光初五年立碑云大
和上竺浮圖澄者天竺大國附庸小國王之元子也
本姓漢此碑即演所見其說皆同按晉書藝術傳澄

本姓帛氏今碑作溪碑當時所立宜得其真又史作佛圖碑作浮圖二字音相近爾惟光初乃劉曜年號而以為石勒時蓋演誤也

趙橫山李君神碑

右趙橫山李君神碑題建武六年歲在庚子三月己亥二十一日癸丑按晉書成帝紀石虎以咸和九年自立為趙天王而載紀云咸康元年僭稱君攝趙天王據帝紀則建武六年歲在己亥據載紀則歲在庚子宋莒公紀年通譜獨以本紀為據今此碑及西門豹祠殿基記並六年建皆云歲在庚子以此知帝紀之失非二碑則晉紀與載紀得失不復可改矣

趙西門豹祠殿基記

右趙西門豹祠殿基記云趙建武六年歲在庚子秋八月唐寅造西門豹殿基又云巧工司馬臣張由監作吏臣杜波馬孫殿中司馬臣王基殿中都督臣潘俛侍御史騎都尉臣劉詎左校令臣趙升殿中校尉臣顏零等監其下刻物像其多如土長強良碩章舒悽崔之類其名頗異近歲臨淄縣人耕地得巧工司馬印遍尋史傳皆無此官名不知為何代物今乃見于此碑云

晉樂毅論

右晉樂毅論石本舊藏高紳學士家集古錄云紳死

其子弟以石本質錢于富人而富人家失火遂焚其石者非也元和間余侍 親官徐州時故郎官趙竦被旨開呂梁洪冢此石隨行已斷裂用 為匣貯之竦尤珍惜親舊有求墨本者必手摹以遺之竦歿今遂不知所在

學士題名

右學士題名歐陽公集古錄以為漢文翁學生余獨疑其非蓋以為西漢時立則字畫不類以為東漢則東漢絕無二名者今此碑二名者凡數人又唐顏有意所書益州學館廟堂記載漢以來石刻皆備獨無此題名使其為文翁學生決不肯漏落余以字畫驗

之疑其為晉以後人所立然初無所據未敢遂以為然其後以地里志書參攷乃決知其非文翁學生也題名有幹江陽趙嵩曲學從事史寧蜀常仲舒憲道左生遂寧董頤玄明左生晉原楊容宗長按晉書志江陽郡蜀劉備置寧蜀遂寧晉原茲桓溫平蜀後置曲郡東西兩漢時皆未有然則此碑為東晉以後人所立不疑矣

宋武帝檄譙繼文

右宋武帝檄譙繼文按顏有意書成都學館廟堂記云右室北壁有晉義熙九年刺史朱齡石勸宋高祖檄譙繼文其字磨滅不可備識學館記唐初立距今

又數百年宜其磨滅愈難識矣然其歲月官爵猶畧
可辨云

